



FYLKESMANNEN
I ROGALAND

Dykkar ref.:

Vår dato: 02.05.2013

Vår ref.: 2013/1393

Arkivnr.: 433.0

Hallgeir Klungland
Krossmoveien 980
4376 HELLELAND

Postadresse:
Postboks 59 Sentrum,
4001 Stavanger

Besøksadresse:
Lagårdsveien 44, Stavanger

T: 51 56 87 00

F: 51 56 88 11

E: fmropost@fylkesmannen.no

www.fylkesmannen.no/rogaland

Svar på søknad utsetting utanlandsk treslag, gnr. bnr. 111/1, Eigersund

Vi syner til søknad, mottatt 04.02.2013 fremja av skogbrukssjef Hans Petter Tønnesen. Søknaden gjeld løyve til planting av utanlandske tre til skogproduksjon på gnr/bnr 111/1 i Bjerkreim kommune. Slik søknadsskjemaet er utforma og går fram indirekte av kgl. res. av 25.05.2012, kan andre enn grunneigar søka på vegne av grunneigar. Vi legg til grunn for behandlinga av søknaden at Hans Petter Tønnesen har fullmakt til å fremja søknaden på vegne av grunneigar og forplikta grunneigar, m.a til å hindra spreiring. Dette gjeld m.a. plikta til generelt å opptre aktsamt (§6), og det særlege kravet til aktsemd ved utsetjing av framande organismar (§28).

Heimel

Utsetting av utanlandske treslag krev godkjenning frå Fylkesmannen i samsvar med *forskrift om utsetting av utanlandske treslag til skogbruksformål (25.05.2012 nr 460*, jf naturmangfaldlova kap IV.

Søknaden

Det er søkt om å planta ut 10 000 hybridlerk (Lariks eurolepis, evt. japansk lerk) på 40 daa, og 30 000 sitka (Picea sitchensis) på 120 daa (kartvedlegg). Areal er i følge søknaden beitelandskap med naturleg oppslag av bjørk. I nærleiken ligg "kommuneskogen" med berg-, buskfuru og gran. Etter måten stort beitepress, riksveg 44 og Hellelandsvassdraget vil samla innebere minimal spreingsfare. Søkar er skogsentreprenør. Planteplanen er medrekna i kommunen sin Energi- og klimaplan.

Fylkesmannen si vurdering

Føremålet med forskrifta er å hindra at planting av utanlandske treslag gjev uheldige konsekvensar for naturmangfaldet. Det er sentralt å sikra at forvaltingsmåla for naturtypar og artar ikkje blir truga av dei framande artane, direkte eller indirekte, jf naturmangfaldlova §§4 og 5. Alle offentlege vedtak som kan ha verknader for naturmangfaldet skal vurderast etter naturmangfaldlova §§ 8 – 12.

§8 set krav om at vedtak bygger på kjend kunnskap. Det er ikkje gjennomført systematisk naturtypekartlegging i området; kunnskapsgrunnlaget er derfor etter måten dårleg. Både hybridlerk og japanlerk er vurdert av Artsdatabanken som ein art med låg risiko for naturleg spreiring med skadelege økologiske verknader for norsk natur (Norsk svarteliste 2012).

Sitkagran er etter same kjelde vurdert av Artsdatabanken som ein art med svært stor risiko for naturleg spreiding .

Ut frå føre-var-prinsippet (§9) er det viktig å sikra seg mot framtidig frøspreiing frå plantefeltet. Dette er i naturmangfaldlova ei generell plikt til å opptre aktsamt (§6), og eit særlege kravet til aktsemd ved utsetjing av framande organismar (§28). Gitt eldre plantefelt i området, veg og etter måten mykje beitebruk, vurderer Fylkesmannen at planting ikkje vesentleg vil auke spreingsfaren ved utplanting. Rutinar for internkontroll må likevel innarbeidast i verksemda.

Påverknad av økosystemet skal vurderast ut frå samla belastning som økosystemet er eller blir utsett for (§10). I dette høvet kan vi ikkje sjå at tiltaket direkte legg beslag på eller er vesentleg trugsmål mot stadeigne naturkvalitetar, men kunnskapsgrunnlaget om naturverdiar (til dømes ugjødsla naturbeitemark) er etter måten dårleg. Indirekte verknader er drøfta nedanfor.

§11 adresserer ansvaret for eventuelle skadar på naturmiljøet til tiltakshavaren. Kostnadar ved å bøta på eventuelle skadar eller førebyggja skadar skal dekkast av tiltakshavar, så langt dei er innanfor rimelege grenser. Dette gjeld i første rekke kontroll og på sikt evt. fjerning av uønska spreiding av treslaga.

Driftsmetodar og teknikkar skal i utgangspunktet ta best mogleg omsyn til naturmiljøet, slik at resultatet gjev dei beste samfunnsmessige resultata (§12). Fylkesmannen legg til grunn at dette vert ivareteke på ein tilfredsstillande måte.

Plantinga er omsøkt i eit område med tidlegare plantingar, slik at plantinga ikkje utgjer ei stor endring av frøpresset på områda rundt. Det er ikkje registrert spesielle naturverdiar som kan bli truga av tiltaket i eller umiddelbart ved plantefelta. Under føresetnad av at framtidig spreiding av lerk og sitkagran blir overvaka og hindra om det blir aktuelt, kan vi ikkje sjå at den omsøkte plantinga vil vera til vesentleg skade for naturmangfaldet.

Det er og viktig at dette dokumentet blir gjort kjend og overført samtidig som eventuelt eigarskifte til ny eigar.

Vedtak og vilkår

Fylkesmannen gjev med dette løyve til å setja ut 10 000 hybridlerk (Lariks eurolepis, evt. japansk lerk) på 40 daa, og 30 000 sitka (Picea Sitchensis) på 120 daa (kartvedlegg i søknad).

Det er eit vilkår at framtidig spreiding av blir overvaka og hindra om det blir aktuelt.

Vedtaket kan påklagast til Direktoratet for naturforvaltning innan 3 veker. Klagen skal stilast til Direktoratet for naturforvaltning og sendast til Fylkesmannen i Rogaland.

Med helsing

Per Kristian Austbø
ass. fylkesmiljøvernssjef

Audun Steinnes
seniorrådgjevar

Dokumentet er godkjent elektronisk av Fylkesmannen i Rogaland og krev derfor ikkje signatur.

Saksbehandlar: Audun Steinnes
Saksbehandlar telefon: 51 56 89 12
E-post: fmrosas@fylkesmannen.no

Kopi til:
Skogbrukssjef Hans Petter Tønnesen p.b. 580 4370 EGRSUND